

鳴鶴餘音叙

隨一

會稽馮尊師本燕趙書生游汴過異人得仙學所賦歌曲高潔雄暢最傳者蘇武慢二十篇前十篇道遺世之樂後十篇論修仙之事會稽費無隱獨善歌之間者有凌雲之思無復留連光景者矣予山居每登高望遠則與無隱歌而和之無隱曰公當為我更作十篇居兩年得兩篇半殊未快意也昭陽協洽之年嘉平之月長兄同之官羅浮予與清江趙伯友臨川黃觀我陳可立吳文明平陽李平幼子翁歸泛舟送之水涵轉鄱陽湖上豫章遇風雪十五六日不能達三百里清夜秉燭危坐高唱二三夕得七篇半每一篇成無隱輒歌之馮尊師天外有聞必能乘風為我一來聽耶明年舟中又得一篇并無俗念二首後三年仙游山道士彭致中採集古今仙真歌辭并而刻之與瓢笠高明共一笑之樂也道園道人虞集伯生叙

鳴鶴餘音卷之一

仙游山道士彭致中集

解紅

呂純陽

洞天深處道非遠咫尺人難悟浮沉內景須憑匠手工夫專候曉來一點陽生通玄路盡藏在碧波深處德時主地雷震動山頭雨漸澆灌黃芽乍離土嬰兒得携籃去向真霞六陽鼎內烹煮搬運轉東西與南北鋪八卦九宮要知宗祖十千數內分左右要顯龍虎玄武後隨朱雀當先祥雲布曲江上萬神都來聚夫與婦葵母瓊赤龍歸洞府要尋覓金翁問憑據陰陽會合三千數指天地海山同壽堅固

吳音子

欲要神仙做抱元炁胎息綿綿一回炁滿一回煎陰陽蟬赤龍蟠地戶牢封玄門啓滾丹砂透入泥丸崑崙上明珠晃朗瑪瑙瑤瑤一爐火滅一爐丹灰心顯五色光鮮雙關路上氣連連擁真花上丹田姹女嬰兒交歡笑駕河車地火雷還醴泉酒時時飲罷醉卧桃

源

無愁可解

返照人間忙忙劫劫晝夜苦辛無歇大都能幾許這百年又如春雪可惜天真遂受愁似傀儡被他牽拽暗悲嗟苦海浮生改頭換殼看何時徹聽說古往今來名利客今只有兔蹤狐穴六朝并五霸盡輸他雲水英傑一味真懽為伴侶養浩然歲寒清節這些兒冷淡生涯與誰共賞有松窓月

無俗念

全真大道理無窮妙得至人端的說破先天玄妙處默悟其中消息體物全彰應機獨露悟了生前畢雖明此理工夫最要綿密低頭泄漏天機不因師指此事如何識萬類三才誰主運建立乾坤無一變化無窮包含不盡運用無蹤跡虛空打破光明遍週無極

解紅

三子真人

混元模裂轉四生六道何時徹翻軀改殼香冥中萬度生滅皆因父母正配陰陽合精血胞衣內感成胎孕形自結不知誰腥臭允認